

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 105- 15107-1/20MS

Zenica, 22.12.2020. godine.

Na osnovu čl. 100. stav 3. Zakona o javnim nabavkama ("Službeni glasnik BiH" broj: 39/14), te u skladu sa čl. 26. i 27. Statuta Javnog preduzeća «Vodovod i kanalizacija», rješavajući po uloženoj Žalbi žalitelja Vodoskop d.o.o. Tomislavgrad, u postupku za nabavku materijala za kućne priključke, direktor Javnog preduzeća «Vodovod i kanalizacija» d.o.o. Zenica donosi

R J E Š E N J E o djelimičnom usvajanju Žalbe

I

Djelimično se usvaja Žalba ponuđača Vodoskop d.o.o. Tomislavgrad, izjavljena na Odluku o poništenju postupka za nabavku materijala za kućne priključke, broj: 105-14639/20DŽS od 11.12.2020.godine, donesena u konkurentskom postupku javne nabavke, broj: 439-7-1-577-3-79/20 – Nabavka materijala za kućne priključke.

Dio žalbe koji se odnosi na kataloške listove i specifikacije za stavku 6. „Zaštitne ulične kape sa poklopcem“, odbija se kao neosnovan.

II

Za izvršenje ovog Rješenja zadužuje se Komisija za nabavke, Služba za kadrovske i opšte poslove, te Komercijalna služba u Preduzeću.

III

Ovo Rješenje će biti objavljeno na web stranici ugovornog organa <http://www.vikze.ba/>, skladu sa članom 70.stav (6) Zakona o javnim nabavkama.

IV

Ovo Rješenje stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj:105-13296/20 BS od 06.11.2020. godine. Javna nabavka je provedena putem konkurentskog zahtjeva za dostavu ponuda sa zaključivanjem okvirnog sporazuma.

Dana 09.11.2020.godine na Portalu javnih nabavki istovremeno sa objavljivanjem Obavještenja o nabavci broj: 439-7-1-577-3-79/20 objavljena je i tenderska dokumentacija.

Rok za dostavljanje ponuda je bio 01.12.2020. godine do 13:00 sati.

U ostavljenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1.VODOSKOK d.o.o. Tomislavgrad

2.BIHEXO d.o.o. Sarajevo

Nakon provedenog postupka evaluacije i ocjene ponuda, dana 11.12.2020.godine ugovorni organ je donio Odluku o poništenju postupka za nabavku materijala za kućne priključke, broj: 105-14639/20DŽS iz razloga što ni jedna dostavljena ponuda nije prihvatljiva za ugovorni organ. Na ovu Odluku dana, 18.12.2020.godine ponuđač „Vodoskop“d.o.o. Tomislavgrad izjavio je Žalbu broj: UR9-04-01/20.

Postupajući po predmetnoj Žalbi ugovorni organ je utvrdio da je ista blagovremena, dopuštena i izjavljena od strane ovlaštenog lica.

Žalba je izjavljena zbog pogrešno i nepotpuno utvrđenog činjeničnog stanja u postupku pregleda i ocjene ponuda, kao i pogrešne primjene materijalnog prava, a ista se temelji na žalbenim navodima kako slijedi:

- a) Za stavke 4. i 5. Žalitelj je dostavio isti kataloški list koji se odnosi na ugradbenu garnituru za ogrlice, a u stavci 4. Je tražena garnitura za ulični ventil.
Žalitelj navodi da se radi o ponuđenom proizvodu MIV Varaždin koji se koriste za kućne priključke, univerzalno za obje tražene stavke, tj. I za ulične ventile i za ogrlice s ventilom.
- b) Za stavku 6. (6.1, 6.2, i 6.) ponuđač je dostavio samo dva kataloška lista (za stavku 6.2 i 6.3) bez oznake.
Žalitelj navodi da u zahtjevu TD nigdje ne stoji da se mora dostaviti poseban kataloški list za svaku stavku iz specifikacije, zbog čega žalitelj ne vidi smisao obrazloženja da su dostavljena samo dva kataloška lista (str.32/38 i 33/38 ponude).

Provjerom žalbenih navoda i ponovnim uvidom u predmetnu tendersku dokumentaciju u ponude, ugovorni organ utvrdio je sljedeće:

Prilikom prvobitnog pregleda ponuda komisija nije uzela u obzir okolnost da ponuđena teleskopska garnitura za ogrlice (stavka 5) može zadovoljiti i stavku 4. koja se odnosi na teleskopsku garniture za ulične ventile za kućne priključke, jer je to moguće samo pod uslovom da su i ponuđeni ulični ventil i teleskopska ugradbena garnitura od istog proizvođača kako je navedeno u tehničkoj specifikaciji. S obzirom da je u konkretnoj ponudi žalitelja ponuđen isti proizvođač u oba slučaja, može se smatrati da je u Ponuda žalitelja u ovome dijelu zadovoljila uvjete postavljene tenderskom dokumentacijom, odnosno da su žalbeni navodi osnovani.

Međutim, ugovorni organ je u pogledu navoda koji se odnose na kataloške listove i specifikacije za stavku 6. „Zaštitne ulične kape sa poklopcem“ ocijenio da nisu osnovani navodi žalitelja jer je u tački 2. Tenderske dokumentacije – „Uslovi za učešće i potrebni dokazi“ podtačka f) nedvosmisleno propisano da je potrebno dostaviti kataloški list sa ručno upisanim brojem stavke iz tabele tehničke specifikacije za sve proizvode koji se nude, što znači da je žalitelj bio dužan da dostavi kataloške listove za sve tražene zaštitne ulične kape. Suprotno tome, žalitelj je dostavio dva kataloška lista, što nije u skladu sa TD, kojom je tražen standard DIN4055, DIN 4056, DIN 4057, koji se odnose na vrstu tražene ulične kape (za ventile, za zasune, za hidrante), a ponuđeni Standard koji je naveden u kataloškim listovima (HRN EN 124) odnosi se na klasu nosivosti ulične kape izraženu u kN, zbog čega je Ponuda žalitelja u ovome dijelu neprihvatljiva za ugovorni organ.

Uzimajući u obzir sve naprijed navedeno, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi, putem ugovornog organa, u roku od pet dana od dana prijema Rješenja.



DIREKTOR:

Emir Pašalić
Pašalić Emir, dipl.ing.građ.

DOSTAVLJENO:

- 1 x Svim ponuđačima
- 1 x Sekretar Komisije
- 1 x Članovima Komisije za JN
- 1 x Komercijalna služba
- 1 x a/a